

ԱՐՁԱՆԱԳՐՈՒԹՅՈՒՆ N 14.1/[62803]-II

ՀՀ ՎԱՐՉԱՊԵՏ ՏԵԳՐԱՆ ՍԱՐԳՍՅԱՆԻ ՄՈՒՏ 2011 ԹՎԱԿԱՆԻ ՓԵՏՐՎԱՐԻ
15-ԻՆ ԺԱՄԸ 14:00-ԻՆ ԿԱՅԱՑԱԾ՝ <<ՄԱՍՍԱԳԻՏԱԿԱՆ ԿՐԹՈՒԹՅԱՆ ՈՐԱԿԻ
ԱՊԱՀՈՎՄԱՆ ԱԶԳԱՅԻՆ ԿԵՆՏՐՈՆ>> ՀԻՄՆԱԴՐԱՄԻ ՀՈԳԱԲԱՐՁՈՒՆԵՐԻ
ԽՈՐՀՐԴԻ ՆԻՍՏԻ

**բաղ. Երևան
Մասնակցում էին՝**

Ա. Աշոտյան

ՀՀ կրթության և գիտության նախարար

Վ. Գարեհեղյան

ՀՀ ֆինանսների նախարար

Ռ. Մարտիրոսյան

ՀՀ ԳԱԱ-ի նախագահ

Դ. Մարգարյան

ՀՀ կառավարության աշխատակազմի ղեկավար

Վ. Մարգարյան

ՀՀ Նախագահի աշխատակազմի ղեկավարի տեղակալ

Ա. Կարապետյան

ՀՀ կառավարության աշխատակազմի սոցիալական
վարչության պետ

Ա. Միմոնյան

ՀՀ կառավարության աշխատակազմի սոցիալական վար-
չության գլխավոր մասնագետ

✓ Ռ. Թոփյան

<<Մասնագիտական կրթության որակի ապահովման
ազգային կենտրոն>> հիմնադրամի տնօրեն

Ռ. Միրզախանյան

Հայաստանի պետական մանավարժական համալսարանի
ռեկտորի պաշտոնակատար

Հ. Թոքմաջյան

Հայաստանի պետական ճարտարապետաշինարարական
համալսարանի ռեկտոր

Գ. Մարգարով

Հայաստանի պետական ճարտարագիտական համալսա-
րանի տեղեկատվական անվտանգության և ծրագրային
ապահովման ամբիոնի վարիչ

Ա. Ղուկասյան

Հայաստանի բանկերի միության նախագահ

Ժ. Կարաասլանյան

<<Լոյս>> մշակութային, գիտական, կրթական հիմնադրամի
գործադիր տնօրեն

Բ. Փափազյան

Հայաստանի ազգային մրցունակության հիմնադրամի գործադիր տնօրեն

Հ. Գրիգորյան

ասպիրանտ

1. Հիմնադրամի 2011 թվականի բյուջեի քննարկում և հաստատում

(Ռ. Թոփյան, Տ. Սարգսյան)

1. <<Մասնագիտական կրթության որակի ապահովման ազգային կենտրոն>>

հիմնադրամի տնօրեն Ռ. Թոփյանը ներկայացրեց <<Մասնագիտական կրթության որակի ապահովման ազգային կենտրոն>> հիմնադրամի 2011 թվականի տարեկան բյուջեի նախահաշիվը:

2. Քննարկումսերից հետո որոշվեց հաստատել <<Մասնագիտական կրթության որակի ապահովման ազգային կենտրոն>> հիմնադրամի 2011 թվականի տարեկան բյուջեի նախահաշիվի հաշվի առնելով ՀՀ ֆինանսների նախարար Վ. Գաբրիելյանի դիտողությունները:

2. Նախնական, միջին և բարձրագույն ուսումնական հաստատությունների հավատարմագրման կարգի քննարկում

(Ռ. Թոփյան, Տ. Սարգսյան)

1. <<Մասնագիտական կրթության որակի ապահովման ազգային կենտրոն>>

հիմնադրամի տնօրեն Ռ. Թոփյանը նշեց, որ ՀՀ կրթության և գիտության նախարարության կողմից ներկայացված ՀՀ-ում նախնական, միջին և բարձրագույն ուսումնական հաստատությունների կրթության որակի արտաքին գնահատման՝ ինստիտուցիոնալ ու ծրագրային հավատարմագրման կարգի նախագիծը քննարկել են և կատարել են մի շարք փոփոխություններ, և ըստ այդմ ներկայացրեց հիմնադրամի կողմից մշակված նախագծի վերջ-

Նաևան տարբերակը: Տեղեկացրեց նաև, որ սույն կարգով սահմանվում է ՀՀ-ում նախնական (արիեստագործական), միջին և բարձրագույն մասնագիտական հիմնական կրթական ծրագրեր իրականացնող ուսումնական հաստատությունների կրթության որակի արտաքին գնահատման կարգը, և կրթության որակի արտաքին գնահատում իրականացվում է երկու հաշորդական գործընթացներով՝

1) ինստիտուցիոնալ կարողությունների փորձաքննություն, որը պարբերաբար կրկնվող (շրջափուլային) պարտադիր գործընթաց է Հայաստանի Հանրապետության տարածքում գործող բույր ուսումնական հաստատությունների համար՝ անկախ դրանց գերատեսչական ենթակայությունից և կազմակերպահրավակական ձևից.

2) մասնագիտության կրթական ծրագրերի պետական հավատարմագրում, որն իրականացվում է կամավորության սկզբունքով՝ միայն ինստիտուցիոնալ փորձաքննության դրական արդյունքի դեպքում:

Տեղեկացրեց նաև, որ ուսումնասիրությունների արդյունքում պարզել են, որ ՀՀ-ում մասնագիտական ուսումնական հաստատությունները պատրաստ չեն կրթության որակի ապահովման միջազգային արդի պահանջներին համապատասխան իրականացվող ինստիտուցիոնալ կարողությունների փորձաքննությանը և մասնագիտության կրթական ծրագրի պետական հավատարմագրմանը, այդ իսկ պատճառով՝ նպատակահարմար համարեց կառավարումը համապատասխանեցնել միջազգային արդի չափորոշիչներին, իսկ բովանդակությունը համապատասխանեցնել ՀՀ-ում գոյություն ունեցող ուսուրմներին:

7. Քննարկումներից հետո որոշվեց՝ հանձնարարել ՀՀ կրթության և գիտության նախարար՝ Ա. Աշոտյանին՝ <<Մասնագիտական կրթության որակի ապահովման ազգային լինիտրոն>> հիմնադրամի տնօրեն Ռ. Թոփչյանի հետ համատեղ մեկշաբաթյա ժամկետում

լուսավոր նախագիծը և ամերաժեշտության դեպքում ներկայացնել առաջարկություն այն ՀՀ վարչապետ Տիգրան Սարգսյանի մոտ քննության առնելու նպատակով:

3. Հայաստանի Հանրապետության ուսումնական հաստատությունների ինստիտուցիոնալ փորձաքննության և ծրագրային հավատարմագրման անցումային փու 2011-2015թթ.

(Ռ. Թոփյան, Տ. Սարգսյան)

1. <<Մասնագիտական կրթության որակի ապահովման ազգային կենտրոն>> հիմնադրամի տնօրեն Ռ. Թոփյանը նշեց, որ մասնագիտական ուսումնական հաստատությունների կրթության որակի ապահովման միջազգային (Եվրոպական) պահանջների համապատասխան ինստիտուցիոնալ փորձաքննություն և ծրագրային հավատարմագրման անցնելու արդյունավետ ճանապարհ գտնելու նպատակով՝ 2010 թվականին մի շարք հաստատություններում ՈԱԱԿ-ը իրականացրել է ինստիտուցիոնալ կարողությունների փորձաքննության և մասնագիտության կրթական ծրագրի պետական հավատարմագրման փորձնական ծրագրեր, և արդյունքում պարզել են, որ ՀՀ մասնագիտական ուսումնական հաստատությունները պատրաստ չեն կրթության որակի ապահովման միջազգային արդի պահանջներին համապատասխան իրականացվող ինստիտուցիոնալ կարողությունների փորձաքննությանը և մասնագիտության կրթական ծրագրի պետական հավատարմագրմանը՝ Նշեց նաև, որ ուսումնական հաստատություններին վերոնշյալ գործընթացներին նախապատրաստելու և իրականացվող բարեփոխումները նվազագույն կորուստներով անցնելու նպատակով այն իրականացնել 2011-2015 թվականներին ընկած ժամանակահատվածում ըստ փուլերի:

2. Քննարկումներից հետո որոշվեց ընդունել ի գիտություն <<Մասնագիտական կրթության որակի ապահովման ազգային կենտրոն>> հիմնադրամի տնօրեն Ռ. Թոփյանի տեղեկատվությունը:

4. Երկու բարձրագույն ուսումնական հաստատություններում Խ.Արովյանի անվան հայկական պետական մանկավարժական համալսարանում և Երևանի ճարտարապետության և շինարարության պետական համալսարանում փորձնական խնստիտուցիոնալ փորձաքննությունների և մասնագիտությունների կրթական ծրագրերի հավատարմագրման իրականացում:

(Ռ. Թոփյան, Տ. Սարգսյան)

1. <<Մասնագիտական կրթության որակի ապահովման ազգային կենտրոն>> հիմնադրամի տնօրեն Ռ. Թոփյանը նշեց, որ Երևանի ճարտարապետության և շինարարության պետական համալսարանում և Խ.Արովյանի անվան հայկական պետական մանկավարժական համալսարանում անցումային ժամանակաշրջանի առաջին փուլը կիրականացվի՝

1) իստիտուցիոնալ կարողությունների փորձաքննության փորձարկում՝ 2011 թվականի հունվարի 28-ից մինչև սեպտեմբերի 16-ը.

2) մասնագիտության կրթական ծրագրի պետական հավատարմագրման փորձարկում՝ 2011 թվականի փետրվարի 21-ից մինչև դեկտեմբերի 30-ը:

Տեղեկացրեց նաև, որ այս ցանկը կարող են համայրել ևս երկու ուսումնական հաստատություններով՝ փորձնական խնստիտուցիոնալ փորձաքննությունների և մասնագիտությունների կրթական ծրագրերի հավատարմագրման պիլոտային ծրագիր իրականացնել նպատակով:

2. Քննարկումներից հետո որոշվեց ընդունել ի գիտություն <<Մասնագիտական կրթության որակի ապահովման ազգային կենտրոն>> հիմնադրամի տնօրեն Ռ. Թոփյանի տեղեկատվությունը:

5. Հիմնադրամի կանոնադրական նպատակների իրագործման համար անհրաժեշտ է իրականացնել գործունեության տարածքի ընդլայնում

(Ռ. Թոփյան, Տ. Սարգսյան)

1. <<Մասնագիտական կրթության որակի ապահովման ազգային կենտրոն>> հիմնադրամի տնօրեն Ռ. Թոփյանն առաջարկեց հնարավորության սահմաններում լուծել հիմնադրամի կանոնադրական նպատակների իրագործման համար գործունեության տարածքի ընդլայնման հարցը:

2. Քննարկումներից հետո որոշվեց՝ հանձնարարել ՀՀ ԳԱԱ-ի նախագահ Ռ. Մարտիրոսյանին և <<Մասնագիտական կրթության որակի ապահովման ազգային կենտրոն>> հիմնադրամի տնօրեն Ռ. Թոփյանին՝ համաձայն սույն խորհրդի նիստում ձեռք բերված պայմանավորվածության՝ համատեղ ընսարկել հիմնադրամի գործունեության տարածքի ընդլայնման հարցը և ՀՀ վարչապետ Տիգրան Սարգսյանին ներկայացնել համապատասխան առաջարկությունը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

ՏԻԳՐԱՆ ՍԱՐԳՍՅԱՆ

